

Naziv suda: Apelacioni sud Brčko distrikta Bosne i Hercegovine

Analiza pokazatelja iz statističkog izvještaja o poštivanju optimalnih i predvidivih rokova:

Podaci iz godišnjeg Izvještaja o poštivanju optimalnih i predvidivih rokova za 2022. godinu pokazuju da je u radu bilo ukupno 700 predmet, od čega je završeno 600 predmeta ili 86 %. Od ukupnog broja riješenih predmeta, u optimalnom odnosno predvidivom roku je završeno 569 odnosno 588 predmeta ili 98 %. U ovom izvještajnom periodu 12 predmeta je završeno sa prekoračenjem predvidivog roka ili 2 % od ukupnog broja završenih predmeta. Prosječno trajanje riješenih predmeta iznosi 81 dan (npr. na drugostepenom parničnom referatu optimalni rok iznosi 207 dana, a predmeti su rješavani u roku od 96 dana, na drugostepenom krivičnom referatu optimalni rok iznosi 158 dana, a predmeti su rješavani u roku od 44 dana, na referatu vanrednih pravnih lijekova optimalni rok iznosi 151 dan, a predmeti su rješavani u roku od 111 dana...).

Do prekoračenja predvidivih rokova došlo je na građanskom referatu što je posljedica kašnjenja u postupku imenovanja četvero redovnih sudija od kojih je troje raspoređeno na građanski referat i stupili su na dužnost 02.03.2022.godine.

Na kraju izvještajnog perioda ostalo je nezavršeno 100 predmeta, od čega u 98 predmeta nije prekoračen predvidivi rok ili 98 %, dok su u 4 odnosno 2 predmeta prekoračeni optimalni/predvidivi rokovi.

Prosječno trajanje neriješenih predmeta je 53 dana.

Analiza navedenih podataka, struktura riješenih i neriješenih predmeta sa aspekta poštovanja optimalnih i predvidivih rokova, pokazuje da u sudu ne postoje problemi koji utiču na efikasnost suda.

Analiza raspoloživih resursa u sudu:

Apelacioni sud Brčko distrikta Bosne i Hercegovine je u ovom izvještajnom periodu raspolagao sa optimalnim materijalno-tehničkim resursima.

Prema usvojenoj sistematizaciji sva radna mjesta su popunjena sa 02.03.2022.godine kada su na dužnost stupile novoimenovane sudije.

Analiza „perioda neaktivnosti“ u predmetima:

U sudu je trenutno neaktivno 10 predmeta, koji su vraćeni prvostepenom sudu radi otklanjanja procesnih smetnji u cilju stvaranja procesnih pretpostavki za donošenje drugostepene odluke, dok je jedan predmet dostavljen na odlučivanje Ustavnom sudu BiH.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

Predsjednik suda će nastaviti sa potenciranjem dužnosti sudija na rješavanju najstarijih predmeta u sudu u skladu sa Planom rješavanja starih predmeta za 2023. godinu, čiji će se efekti analizirati svakog mjeseca na sjednicama stručnog kolegija.

Ove mjere su dale rezultate u 2022. godini, tako da je zadržan visok procenat od 98 % riješenih predmeta u optimalnim/predvidivim rokovima.

Pored toga, zadržana je povoljna struktura neriješenih predmeta s obzirom da je ostalo nezavršeno samo 100 predmeta i u 98 % tih predmeta nije prekoračen predvidivi rok, a vrijeme trajanja neriješenih predmeta je 53 dana. Navedene činjenice, prije svega znatno kraće trajanje vremena neriješenih predmeta (53 dana) od vremena trajanja riješenih predmeta (81 dan) potvrđuje praksu suda o primarnom rješavanju najstarijih predmeta u sudu uz istovremeno poštovanje Plana rješavanja starih predmeta za 2022.godinu. Sve navedene aktivnosti će se nastaviti i u 2023. godini, kako bi se dodatno skratilo vrijeme trajanja riješenih i neriješenih predmeta, a predvidivi rokovi približili optimalnim rokovima.

Ostalo: